



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Richardi Arsdekin Soc. Jesu Sac. Theol. Professoris.
Apparatus Doctrinae Sacrae**

Archdekin, Richard

Dilingae, 1687

Pro die Dominico: Considerationes de dignitate & obligatione Sacerdotis.

urn:nbn:de:hbz:466:1-38464

PARS SEXTA,
PRAXIS ASSIDUA
MEDITATIONUM
PRO SACERDOTE

Ad Vitæ & Functionum suarum perfectionem.

Item: RITUS & ORDO singulorum Sacramentorum, &c.

Cum Sacerdotis sit populum non tantum verbo, sed etiam exemplo docere, ante omnia opus est ut ipse omnes munera sui partes piè sancteque exequatur. Debet enim Sacerdos esse in Ecclesia Dei, *Lucerna ardens & lucens*: lucere autem non potest fons vita exemplo, nisi prius ardeat inus sincerā erga Deum ac proximum charitate, neque hunc divinae charitatis ardorem concipere, nisi coram Deo seriat officii sui consideratione intellectum illuminet, & voluntatem ardentis virtutis ac perfectionis desiderio accendat. Hinc sapientes affirmat *Cajetanus in 2. 2. 9. 82. a. 3.* neminem posse dici Religiosum (nec simili ratione perfectum Sacerdotem) qui semel in mentali oratione animum non exercet: quia fieri non potest, ut quis ad Christianas virtutis perfectionem pervenias, nisi eam scrid desideret, desiderare autem non potest nisi eam ejusque dignitatem attente consideret.

Et mos est laudabilis hicin Belgio, ut nemo à Praelatis ad Sacerdotium admittatur, de quo non constet quod per Exercitia spiritualia in sanctis Meditationibus animum excoluerit, quod utinam alibi in praxim inducatur. Ne igitur omnino desideretur medium ad Sacerdotis perfectionem tam necessarium, hic aliquem ad meditationem ingressum per materias illius statui convenientes, breviter aperiemus, ut Meditationis utilitate & suavitate degulata, possit paulatim Sacerdos luā industrīā, & divino auxilio, illius usum sibi reddere magis familiarem.

Hæ autem Considerationes quas subiectio, non sunt obiter legendæ, sed meditantum more in singulis punctis sistendum est, cum pio affectu considerando documenta quæ Deus illuc proponit, quam necesse sit illa observare, quam periculorum negligere, notando virtutem quam commandant, aut vitium quod dabant. Et in singulis reflectendo ad seipsum, & examinando, an hoc hactenus observaverit, aut contrarium vitium evitaverit, proponendo quam primum, & in particulari feriam emendationem, & operum suorum dignam Sacerdotis perfectionem, ad Dei gloriam, ad proximi ædificationem, & animæ sua solatium, tam in hac vitâ, quam in tota æternitate.

DIE DOMINICO

Considerationes de Dignitate & Obligatione Sacerdotum.

Considera primò. Sacerdotes plures suam dignitatem & obligationem vel ignorare, vel non satis expendere: & hinc fieri ut in multis more secularium vivant, nec obligationi suæ respondeant, nec in debito honore & estimatione à secularibus habeantur. Sacer-

R. P. Ardeck, Tom. III.

tis persona & officium semper apud præcipuas Gentes tanta in estimatione habita fuit, ut qui erant Reges, debuerint simul esse Sacerdotes, ad majorem reverentiam Regie personæ conciliandam. Testatur id S. Ambrosius Sermoni 18. in Psalmum 118. ubi testem adducens Platonem sic ait. Inter alia didicit (Plato) apud Ægyptios non licere Regem absque Sacerdotio imperare. Quin imo si ex alio genere quispiam regnum usurparet, cogebatur statim sacris iniciari, ut simul Rex esset & Sacerdos. Afferit etiam Xenophon omnes Reges Lacedæmonios simul Sacerdotes fuisse. Id ipsum primi Reges Romanorum firmiter observarunt, ut disertè tradit S. Isidorus lib. 7. Etym. cap. 12. Sacra etiam Litteræ, Genesis cap. 14. indicant, Melchisedech Regem simul & Sacerdotem fuisse.

Quin etiam à dignitate, puritate, ac scientia quæ debet inesse Sacerdotibus, in sacris Scripturis Angeli nuncupantur, ut *Malachie cap. 2.* Labia Sacerdotis custodiunt scientiam, & Legem requirent ex ore ejus, quia Angelus Domini exercituum est. Etabi pso Christo *Mattæus 5. & alibi*, Sacerdotes vocantur, Salteræ Lux mundi, Lucerna super candelabrum posita. Et etiamnum propter sacri Ordinis reverentiam quilibet Sacerdos vocatur Reverendus Dominus, & alibi Sit Petrus, Sit Thadæus, &c.

His expensis, serio cogita, an tua vita & mores sint Sacerdotio digni. Non enim est tanti officii dignitas, onus, & obligatio temere suscipienda, aut indignè exercenda. Nulli sunt in toto mundo homines graviori iudicio à Deo puniendi quam mali Sacerdotes. Rei optimæ corruptio solet esse omnium pessima.

Errat sane, & graviter errat, qui ad sustinendum Sacerdos nomen sibi sufficere putat, à Laicis veste distingui, & Horas, ac Sacrificium, cursim absolvire. Attende quantum porrò ad exercendum hoc Sacrosanctum munus perfectionis requiratur. Audi S. Chrysostomum conc. ad pop. Antioch. His verbis graviter monentem.

Quo non oportet esse puriores tali fruentem Sacrificio? quo solari radio non splendidiorem Manum carnem hanc dividenter, Os quod igne Spiritali repletur, Lingua quæ tremendo nimis sanguine rubescit? Attende etiam S. Ambrosium lib. de dignit. Sacer. graphicè docentem Sacerdotis dignitati vitam & mores respondere debere. Nihil, inquit, est in hoc seculo excellens Sacerdotibus, si quod sumus professione, actione potius quam nomine demonstremus, ut nomen congruat actioni, actio respondeat nomini, nec sit nomen inane, & crimen immane, ne sit honor sublimis, & vita deformis, ne sit deifica professio, & illicta actio.

S

Con-

DIE LUNÆ.

*De Virtutibus, Zelo, & Scientia, qua debet
inesse Sacerdoti.*

1. Considera secundò, Quantam apud omnes aestimationem & venerationem conciliare debeat ordinis Sacerdotalis excellentia & perfectio, & quantam Deo & Ecclesiæ injuriam faciat Sacerdos, qui Ordinem illum malâ vitâ, & pravo exemplo commaculat. Constantinus Imperator tantopere Sacerdotes veneratus ast, ut dixerit: Si Sacerdotem viderem peccantem, ne ab aliis videretur, pallio meo illum contegerem. S. Martinus Episcopus Turon. prandens cum Cæsare, prius socio suo, quod est Sacerdos, poculum porrexit, quam Cæsari. B. Ambrosius dicit Regum ac Principum colla genibus submitti Sacerdotum, eoque osculata eorum dexterâ credere se eorum orationibus adjuvari. B. Gelasius Papa in Epist. ad Anastasium Imperatorem. Duo sunt, inquit, Imperator, quibus principaliter hic mundus regitur. Autocritas sacra Pontificum, & Regalis potestas, in quibus tantum gravius est pondus Sacerdotum, quanto etiam propriis Regibus in divino examine sunt redditum rationem.

Considera 2. Hiac sanctissimos quoque ob summam ejus dignitatem refugisse Sacerdotium, ut S. Antonium, S. Pachomium, S. Benedictum, & S. Franciscum, cui hærenti, an fieri deberet Sacerdos, cum esset Diaconus, in via occurrit Angelus, gestans vitrum perlucidum clarissimo liquore plenum, dixitque, Sacerdotis animam similem esse debere illi liquori: Unde ille Sacerdos fieri noluit, quia tantam sua animæ puritatem esse non putavit. Multi quoque Sancti & ætate proiecti Eremitæ monasteria deserueré, ne ad Sacerdotium proverberentur, alii vero jam ad illud proiecti, vel etiam ad Episcopatum, in remotas terras abierunt, ne agnoscerentur, ut Joannes Silentarius, & alii. S. Marcus quoque dicitur sibi abscondisse pollicem, ne fieret Sacerdos, & S. Ammonius aures, ne fieret Episcopus. Et ego, quomodo in hac dignitate me gero? Quia pietate erga Deum? Quia ædificatione erga proximum? Hic vita anteacta seriò consideranda est, & nova melioris vita proposita Deo offrenda.

Considera 3. Dignitatem Sacerdotum novæ legis, sumi ex dupli potestate illis collata, ordinis, & jurisdictionis. Ratione Ordinis possunt consecrare Corpus & Sanguinem Domini, ratione Jurisdictionis possunt homines absolvere à peccatis, & Ecclesiam gubernare. 2. Expende quam admiranda sit illa potestas consecrandi. Magnum beneficium credimus praestitum Iosue, quod imperio suo fecerit sister solem, *obediente Domino*, ut loquitur Scriptura Iosue 10. *Vox hominis*, sed multò majus praestitum est cuique Sacerdoti. Ille enim fecit itare solem, ubi ante erat, at Sacerdos sicut Christum in cœlo existens, ubi ante non erat, id est, in altari: illi creatura obedivit, huic creator: illi sol semel loquenti obtemperavit, huic Deus, quoties verba consecrationis eloquitur, obedit. Quis Sacerdos tam stupidus est, qui considerans tam stupendam Christi erga se obedientiam, summi Regis ad subditum, Dei ad creaturam, non vicissim libenter obtemperet Dei mandatis? Quis cum B. Joanne Baptista non dicat, Matth. 5. 3. *Ego a te debui baptizari*, tibi debui obediere, & tu venis ad me, tu mihi obedis? O me ingratum, & indignum!

Suscipe Domine deinceps universam vitam & operam meam, accipe intellectum & voluntatem, corpus & animam, ut in statu Sacerdotii tam sancto me totum tibi & proximo seriò & sanctè impendam: tribue mihi tuum amorem & hanc gratiam, & nihil ultra posco in rebus creatis. *Addendo alia, qua affectus suggestus.*

2. Considera, id est tantam perfectionem ab Apostolo exigi in Sacerdote, quia, ut omnes Patres docent, quo quis est sublimioris status & ordinis, hoc ad ampliorem virtutum perfectionem tenetur, secundum illud Luce 12. *Cui plus darum est, plus exigetur ab illo*, & Sap. 6. *Indignum durissimum in his qui presumunt, & potentes potenter tormenta patientur*. Et S. Gregorius. *Sicut Prolatu*s* inquit, tot coronas sibi multiplicat, quod Deo amitas lucrificat, sic si perversa perpetrat, tot moribus dignus est, quot ad subditos sua perditionis exempla transmittit.*

3. Considera, Sacerdotem debere esse omnium virtutum, maxime autem fidei, spei, charitatis in Deum & proximum, humilitatis, pietatis & castitatis, speculum & exemplar: si enim Lux est mundi, & lucerna super candelabrum posita, debet luce doctrinæ sua, & virtutis exemplaris illustrare omnes, Matth. 5. Si Sal est terra, debet omnes à corruptione peccati conservare, si Pater & Magister est subditorum fidelium, debet in se ostendere exempla qua omnes imitentur.

Debet enim Sacerdos esse speculum pietatis, & modestiæ, in quo reluceat imago Christi, ad cuius exemplum homines seculares vitam & actiones suas conformare conentur. Nihil decet esse in ipsis verbis leve, nihil oculis, nihil in gloribus nisi moderatum & verecundum. Dum quidam Sacerdos jocosus interrogasset D. Thomam Aquinatem, an non videret bovem in serevolantem, & hic statim oculos ad spectandum suffulsi, derisit Sacerdos illius simplicitatem, quod hoc crederet. Respondit autem vir Sanctus, Facilius ego crederem bovem volare, quam Sacerdotem mentiri.

4. Considera, Sacerdotem debere habere divinæ Scripturæ, rerumque Theologicarum pro officiis magnitudine conjunctam scientiam & sapientiam, &, in Apostolus monitum Timoth. 1. cap. 4. *Attendere Lectiones, exhortationes, doctrina*. Quilibet enim Sacerdos curambens animarum, tenetur expondere Evangelium, & Catechesis fidei Christianæ tradere, & eos qui contradiunt redarguere. Si enim S. Petrus Epist. 1. cap. 3. *vult omnes esse paratos ad satisfaciendum omni poscenti deside, quæ in ipsis est*: quanto magis debent esse Sacerdotes, quia aliorum sunt Magistri & Doctores? Quid turpis est, quā Sacerdotem non posse respondere aliqui mulierculæ, vel adolescentulo hæretico objectanti, ut hoc tempore sit, Scripturæ sacræ testimonia? Unde Chrysostomus scribit, Sacerdotem in omnibus debere esse sapientissimum, & mille instructum oculis, ut non solum sibi, sed etiam toti populo serviat. Deus vero apud Officium Prophetam communinat imperitis repulsam à dignitate Sacerdotii. *Quia, inquit, cap. 4. tu scientiam repulisti, repellam te, ne sacerdotio fungaris mihi*. Unde pars quantum delinquat, & suo muneri desit Sacerdos, qui